

**RESOLUCIÓN REITORAL DO 18 DE XANEIRO DO 2024 POLA QUE SE PUBLICA A CONVOCATORIA DE
AXUDAS PARA DELEGACIÓNS DE ESTUDANTADO DA UNIVERSIDADE DE VIGO NO CURSO 2023-2024.**

O Real Decreto 1791/2010 do 30 de decembro, polo que se aproba o Estatuto do estudante universitario, establece no seu artigo 65, que as universidades promoverán a participación estudantil e das asociacións estudantis nas unidades de atención ao estudante nos termos que establezan as normativas correspondentes.

O Artigo 73 dos Estatutos da UVigo establece que, co obxecto de procurar unha formación integral do estudantado, a Universidade de Vigo potenciará a relación con outras universidades e institucións. Así mesmo o artigo 70 di que a Universidade facilitará os medios para que as delegacións de estudantes desenvolvan os seus fins e as súas funcións.

O Regulamento de estudantes da UVigo, no seu artigo 31 establece que o estudantado poderá promover a realización de actividades formativas, culturais, recreativas e deportivas, directamente ou a través das e dos seus representantes ou asociacións de estudantes recoñecidas pola Universidade de Vigo e, no seu artigo 50 di que entre os fins das delegacións de estudantes estará xestionar os recursos que a universidade e as escolas ou facultades poñan á súa disposición, ou que acheguen por outras vías.

Para o efectivo exercicio destes dereitos a Universidade considera necesario establecer un programa que subvencione total ou parcialmente o custo ocasionado ao estudantado por razón da súa participación en actividades de interese educativo que favorezan a súa formación integral.

De acordo con todo o indicado, esta reitoría **RESOLVE**:

1. Convocar, en réxime de concorrencia competitiva, axudas para estimular a participación e representación estudantil das delegacións de estudantado con outras universidades e institucións, que serán xestionadas de acordo coas seguintes bases reguladoras.
2. Ordenar a publicación da presente convocatoria e as bases que a regulan no taboleiro da sede electrónica.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados desde o día seguinte a súa publicación, de conformidade co disposto na Lei 29/1998 do 13 de xullo, reguladora da xurisdición contencioso-administrativa. Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte de se publicar a presente resolución, perante o mesmo órgano que a ditou. Neste caso, non caberá interpoñer o recurso contencioso administrativo mentres non recaia resolución expresa ou presunta do recurso de reposición, de acordo co disposto na Lei 39/2015, de 1 de outubro, de procedemento administrativo común das administracións públicas.

Vigo, na data de sinatura electrónica

O reitor

Por delegación R.R. 31/10/2023 (DOG do 10 de novembro)

A vicerreitora de Estudantado e Empregabilidade

Natalia Caparrini Marín

CSV : GEN-9f18-ef72-9114-56f0-c0f9-4253-5d9c-4f9b

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : NATALIA CAPARRINI MARIN | FECHA : 18/01/2024 10:17 | NOTAS : F



**BASES QUE REGULAN A CONVOCATORIA DE AXUDAS PARA DELEGACIÓNS DE ESTUDANTADO DA
UNIVERSIDADE DE VIGO NO CURSO 2023-2024****1. OBXECTO**

O obxectivo desta convocatoria é fomentar a participación e representación estudantil das delegacións de estudantado da Universidade de Vigo con outras universidades e institucións.

Establécense 2 modalidades en función da súa finalidade:

- Modalidade A: Axudas para sufragar os gastos, de xeito total ou parcial, derivados da asistencia a reunións, asembleas ou congresos organiza dos por colectivos de estudantado de outras universidades ou institucións.
- Modalidade B: Axudas para sufragar os gastos, de xeito total ou parcial, derivados da organización de reunións, asembleas ou congresos para colectivos de estudantado de outras universidades o institucións celebrados na Universidade de Vigo.

Quedan excluídas da presente convocatoria actividades organizadas con motivo dos patróns dos centros e a organización de cursos ou obradoiros, para o que xa existen convocatorias específicas.

2. REQUISITOS DAS DELEGACIÓNS SOLICITANTES

Para seren admitidas ao presente proceso, na data de remate do prazo de presentación de solicitudes as persoas solicitantes deben cumprir e manter ata a finalización da actividade a realizar os seguintes requisitos:

- a) Ter nomeamento en vigor como membro da delegación de estudantado que representa segundo o proceso que establece a normativa que regula a delegación de estudantes do centro correspondente da UVigo.
- b) Presentar unha proposta de actividade a realizar entre o 1 de febreiro de 2024 e o 31 de xullo de 2024, das descritas no punto 1 desta convocatoria.
- c) Contar co informe favorable do/a decano/a ou director/a do centro correspondente da UVigo.

3. INCOMPATIBILIDADES

As axudas establecidas nesta convocatoria son incompatibles con calquera outra axuda da mesma natureza e para a mesma finalidade de calquera outra convocatoria da Universidade de Vigo.

A través desta convocatoria so se poderá subvencionar unha actividade a cada delegación beneficiaria.

O importe da axuda en ningún caso poderá ser de tal contía que de xeito illado ou en concorrencia con outras subvencións, axudas, ingresos ou recursos, supere o coste da actividade subvencionada.

4. DOTACIÓN, CONTÍA E PAGAMENTO

1. Os fondos destinados a esta axuda irán con cargo á aplicación orzamentaria 202400EE211E22699, o importe máximo do crédito orzamentario retido para esta convocatoria ascende a 10.000 € para o que se achega o correspondente certificado de existencia de crédito.

2. Os fondos asignados para a modalidade A ascenden a 4.000 €, sendo a contía máxima da axuda para cada solicitude aprobada pola comisión de selección indicada na base sexta de 800 €.A cantidade será determinada pola citada comisión destinándose a cubrir, de xeito total ou parcial, os custos derivados da participación na actividade solicitada.



3. Os fondos asignados para a modalidade B ascenden a 6.000€, sendo a contía máxima da axuda para cada solicitude aprobada pola comisión de selección indicada na base sexta de 3.000 €. A cantidade será determinada pola citada comisión destinándose a cubrir, de xeito total ou parcial, os custos derivados da organización da actividade solicitada.

4. Se finalizado o proceso de asignación resulta remanente nalguna das dúas modalidades, este se adjudicará a outra modalidade de acordo coa orde establecida pola comisión de selección de maior a menor puntuación. Respectando en todo caso os límites establecidos na base terceira e nos puntos 2 e 3 desta base

5. O pagamento da axuda consistirá na tramitación da factura/s correspondente cos gastos ocasionados pola participación/organización da delegación beneficiaria. Para iso, a citada delegación presentará instancia na sede electrónica, dirixida ao servizo de Xestión da Extensión Universitaria e antes da realización da actividade, o orzamento emitido pola empresa provedora, a nome da Universidade de Vigo coa relación de gastos a sufragar. Unha vez rematada a actividade se terá que presentar, do mesmo xeito que se indicou para o orzamento, a documentación acreditativa da participación/organización da delegación beneficiaria, para que o servizo de Xestión da Extensión Universitaria proceda a tramitación do pagamento da factura correspondente. So se tramitarán aqueles gastos xustificadas mediante factura a nome da Universidade.

5. PRESENTACIÓN DE SOLICITUDES E DOCUMENTACIÓN

As persoas interesadas deben presentar a súa solicitude axustada ao modelo que figura no anexo de a esta convocatoria.

O prazo de presentación de solicitudes comezará o día seguinte ao da publicación desta convocatoria no taboleiro de anuncios electrónico da Universidade de Vigo e rematará o 29 de febreiro de 2024, ás 23:59 horas (hora peninsular española).

As solicitudes deben presentarse polo representante da delegación de alumnos a través da sede electrónica da Universidade de Vigo (<https://sede.uvigo.gal/>) premendo en Instancia Xenérica (SXER) dirixida ao servizo de Xestión da Extensión Universitaria e indicando no asunto «Axuda para Delegacións 2023-2024 "así como o centro da delegación de estudantes que o remite. Non se admitirán a trámite as solicitudes presentadas por outra vía.

No momento de presentación por sede achegará a documentación que se relaciona:

- Solicitude asinada electronicamente (segundo o modelo do anexo)
- Documentación acreditativa de estar de alta na delegación de alumnos
- Memoria da actividade a organizar ou participar, incluíndo datas e lugar de celebración, e previsión de gastos e ingresos con indicación do financiamento externo, no seu caso.
- Informe favorable do director/decano do centro.

As persoas solicitantes tamén se lle poderá requirir que acheguen aqueles outros documentos que fosen precisos para aclarar os datos necesarios para o outorgamento da axuda.

6. ADMISIÓN, SELECCIÓN E RESOLUCIÓN

Rematado o prazo de presentación de solicitudes, ditarase resolución reitoral que se publicará no taboleiro electrónico da Universidade de Vigo, que será o único válido para os efectos de notificación e cómputo de prazos (<https://sede.uvigo.gal/public/bulletin/bulletin-index.xhtml>), na que se aprobe a listaxe provisional de solicitudes admitidas e excluídas co nome da persoa solicitante, así como as causas que motivaran a exclusión de ser o caso.



Disporase dun prazo de cinco (5) días hábiles, contados dende o día seguinte á publicación, para emendar os erros, achegar a documentación requirida ou presentar as alegacións que se consideren oportunas. Para tal fin a persoa solicitante presentará a documentación de alegacións a través da sede electrónica da Universidade de Vigo (<https://sede.uvigo.gal>) entrando no procedemento “Emenda e mellora da solicitude” e facendo referencia ao número de rexistro da solicitude inicial.

Rematado o prazo de subsanacións, será publicada a resolución reitoral coa listaxe definitiva de solicitudes admitidas e excluídas.

A selección será efectuada pola comisión de Extension Universitaria e Estudantado de acordo cos seguintes criterios:

- Adecuación da actividade para os fines da delegación
- Descrición da actividade
- Duración da actividade e número de participantes/asistentes á actividade
- Financiamento externo

Unha vez que a comisión efectúe a selección, publicarase a resolución reitoral coa listaxe provisoria de delegacións con axuda concedida, denegada coa mención da causa de denegación e a listaxe de agarda para o caso de existir renuncias.

As persoas interesadas poderán presentar as alegacións no prazo de cinco días hábiles, contados desde o día seguinte á publicación. Para tal fin a persoa solicitante presentará a documentación de alegacións a través da sede electrónica da Universidade de Vigo (<https://sede.uvigo.gal>) entrando no procedemento “Emenda e mellora da solicitude” e facendo referencia ao número de rexistro da solicitude inicial dirixido ao Servizo de Extension Universitaria.

Unha vez que a comisión revise as alegacións, publicarase a listaxe definitiva de axudas concedidas e da lista de agarda. Calquera modificación das actividades aprobadas deberá ser presentada a través da sede electrónica e será avaliada e aceptada, no seu caso, pola Comisión de Extensión Universitaria e Estudantes.

As listaxes ás que se refire este punto así como a resolución de adxudicación publicaranse no taboleiro da sede electrónica da Universidade de Vigo e producirán os efectos da notificación de conformidade co artigo 45 da *Lei 39/2015, do 1 de outubro, do procedemento administrativo común das administracións públicas*.

As comunicacións individuais necesarias realizaranse a través do enderezo electrónico sinalado na solicitude, sen que estas teñan a consideración de notificación.

7. RENUNCIA

No caso de renuncia voluntaria deberá realizarse mediante escrito presentado na sede electrónica da Universidade de Vigo (sede.uvigo.gal) dirixido ao servizo de Xestión da Extension Universitaria. As renuncias aceptadas pola Comisión de Extensión Universitaria e Estudantes darán lugar á perda dos dereitos económicos e á proposta de concesión da axuda á seguinte solicitude da lista de agarda, no caso de existir.

8. PERDA DO DEREITO DE COBRO TOTAL OU PARCIAL

Son causas de perda do dereito de cobro destas axudas:

- Non cumprir os requisitos e as obrigas recollidas na convocatoria.
- Ocultar datos, alteralos ou manipular a información solicitada.
- Incurrir nalgunha das causas de incompatibilidade establecidas nesta convocatoria.



9. TRANSPARENCIA

De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrarlle á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

10. PROTECCIÓN DE DATOS

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento Xeral de Protección de Datos ou «RXP») e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de optar ao Distintivo de Empregabilidade e amparados pola Lei orgánica 4/2007, de 12 de abril, pola que se modifica a Lei orgánica 6/2001, de 21 de decembro, de Universidades e o Decreto 13/2019, de 24 de xaneiro, polo que se aproban os Estatutos da Universidade de Vigo.

Coa participación das delegacións de estudantado nesta convocatoria autorízase á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria. Estes datos trátaranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

As delegacións implicadas teñen dereito a solicitar a/ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terán dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Os devanditos dereitos poderán exercelos a través da sede electrónica da Universidade de Vigo <https://sede.uvigo.gal/> (preferentemente a través do procedemento específico SXER – Exercicio dereitos sobre protección de datos) ou mediante solicitude dirixida ao Reitor da Universidade de Vigo e presentada ante as Oficinas de Asistencia en Materia de Rexistro da Universidade de Vigo ou calquera dos rexistros ou oficina de correos indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>

Igualmente poderá dirixir dita solicitude directamente á Delegada de Protección de Datos da Universidade de Vigo, ao enderezo electrónico: dpd@uvigo.gal. Así mesmo, vostede ten dereito a presentar unha reclamación ante a Axencia Española de Protección de Datos (AEPD).



ANEXO

Solicitud de participación axudas delegacións alumnos 2023-2024

Nome e apelidos
DNI
Teléfono
Enderezo electrónico (corporativo @uvigo.gal)
Escola/Facultade
Cargo
Modalidade solicitada: A – B (sinale a que proceda de acordo coa base 1)

Solicito ser admitido/a na convocatoria a que se refire esta instancia, declaro que son certos os datos consignados e alegados e que reúno os requisitos exixidos por esta convocatoria.

Na data da sinatura electrónica
(sinatura)

Servizo de Xestión da Extensión Universitaria

CSV : GEN-9f18-ef72-9114-56f0-c0f9-4253-5d9c-4f9b

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : NATALIA CAPARRINI MARIN | FECHA : 18/01/2024 10:17 | NOTAS : F

